

飲

虹

籀

所

刻

曲

孝威



我

立

心

守

正


氣

我

。

蕭爽齋樂府

(十六)



蕭爽齋樂府目次

卷上 套數

北南呂一枝花 丙申年除夕

北中呂粉蝶兒 重過蔣南洽休園有懷

北黃鐘醉花陰 早春西園宴集贈徐王縣

北商調集賢賓 寄懷滄洲李舜卿

北雙調新水令 雪夜集高玉機草堂

北南呂一枝花 酬梁保定

南南呂梧桐樹 過吳七泉山居

北仙呂點絳脣 送汪小村歸廣陵

北雙調新水令

吳門春泛

前調

元夕武靜軒友于堂宴集

南南呂金索掛梧桐

冬夜譚平橋江霞館宴集

北雙調新水令

曉發北河道中

北黃鐘醉花陰

壽徐太傅

南南呂青衲襖

寄情

北雙調新水令

湯沂東海上凱歌

北越調鬪鷓鴣

王西莊宴集

北雙調新水令

送吳懷梅還歙

北仙呂點絳脣

朱企齋園亭賞大紅牡丹

北正宮端正好 送葉泮西內臺

北南呂一枝花 姚秋澗市隱園

南南呂金索掛梧桐 春晚

北雙調新水令 寄情

北仙呂點絳脣 八十自壽

北南呂一枝花 嘲吳山人雪中招客游天界寺

卷下 小令

北小梁州 閒適五首

前調 詠漁樵牧四首

北沽美酒帶過太平令 四時讌爲侯家

南黃鶯兒 秋雨

前調 秋風

前調 秋月

前調 秋露

前調 新月

前調 新霽

前調 詠燕

前調 詠蝶

前調 春怨二首

南一封書 閒適四首

北沉醉東風 病起閒適四首

前調 挽徐髯仙

前調 憂早

前調 題永月仙姑

前調 贈方童子

前調 嘲王都閩送米不足

前調 風情嘲戲四首

前調 嘲眇妓

北水仙子帶過折桂令 壽張沙南隱君

前調 壽許石城尙寶

前調

題梨泉為淮南胡君

前調

題仙桂分香圖為莆田陳侍御後人

北落梅風

詠蠅

前調

詠虱

前調

詠蚊

前調

詠蚕

北朝天子

寄酬杞縣張兌園昆季四首

前調

懷楚中故人

前調

煮茶

前調

秋雨

前調 秋燈

前調 問花

前調 問燕

前調 席上

前調 嘲金回回父子

北水仙子 酬友人寄扇

前調 廣陵夜泊

前調 暮春偶集任城村園亭

前調 中秋

前調 侯家雙壽

前調 友人嘗食以果節湯餅甚美久而不能忘作此識笑

前調 夏日轅門讌集

前調 戲謝友人

前調 戲呈鍾怡山

前調 答王十岳病中見嘲

前調 戲謝張右泉神劑

前調 奇遇

北滿庭芳 進山追吳厚丘至揚州戲作

前調 長干春興

前調 嘲高北橋送年節

前調

友人以絹衣一襲見貽者偶爾戲答

北醉太平

曼興四首

北脫布衫帶過小梁州

燈下許尙寶召賞牡丹

前調

寄王生

北河西六娘子

閨情八首

北胡十八

風情嘲戲十首

南玉包肚

春閨集唐詩結尾五首

前調

秋閨集唐詩結尾五首

北清江引

酬美人饋酥餅

前調

酬美人饋香茶

前調 贈美人染指

前調 紗扇

前調 繡囊

前調 玉梳

前調 古鏡

南瑣南枝 風情集常言四首

前調 風情集常言四首

南玉芙蓉 四時閨怨四首

南駐雲飛 麗情二一首

北一半兒 鬲情

蕭爽齋樂府卷上 套數

金陵金鑾在衡譔

北南呂一枝花

丙申年除夕

寒威正解權暖律初傳信星宮猶在丑木德
漸歸寅雖然是兩歲平分不爭這畫角兒擻
斷的今宵盡怎禁他曉鐘兒促迫的明歲緊
便總然添得些春色無多卻又早減去箇年
華半瞬

梁州第七

我則見鬧炒炒神儼烈竹亂紛紛茶壘懸門

況逢着初陽暗裏交殘閨我將這金花細翦
寶炬齊焚早難道賢愚共俗今古同聞歎芳
時快活殺王孫恨儒冠誤賺了閒人你便有
顏子賢免不的婦不織男不耕衣食關心宋
玉才賣不出神不驚鬼不怪文章打盹向平
高遣不去兒不成女不就嫁娶纏魂自思自
忖窮通只合由天分送甚麼窮鬼文說甚麼
錢神論且戀着深夜寒燈酒半温也當箇送
舊迎新

隔尾

盼着那青陽黃道開新運儘着他翠軟紅嬌
媚早春一任教黃鬢白髮挨孤困自我這無
官的守身無錢的守貧安樂窩中到頭穩

北中呂粉蝶兒

重過蔣南冷休園有懷

翠竹軒窗掩映着綠槐門巷淡濛濛煙鎖垂
楊帶隋隄連晉苑恍疑是習家池上想當日
醉倒高陽那裏也唱銅鞮恁般豪放

南泣顏回

細路遶羊腸福地從來蕭爽愛梨花院落更
和柳絮池塘追遊宴賞正融融煖日春駒蕩

歌唇似花吐猩紅舞裙如柳染鶯黃

北石榴花

白被那賣花聲驚起了睡鴛鴦武陵源何處
覓漁郎見放着五湖春水帶三江趁東風畫
槳載細雨紅香我這裏敞南樓明月看看上
捲簾時無限風光雖無甚錦層層金谷藏春
幃自他那浣花溪不弱似午橋莊

南泣顏回

江鄉芳草帶斜陽落花滿地文章丹青想像
分明一段瀟湘臨風鼓掌喜金蕉依舊羅屏

障儘山深臥穩煙霞任江空歌徹滄浪

北鬪鶴鶉

早難道寺遠林疏常聽的鐘鳴鼓響不爭他
水秀山明暢好是年豐歲穰莫怪我新來飲
興長怕園林春去忙儘着箇翠軟紅嬌一任
教蜂勞蝶攘

南撲燈蛾

漸新篁出短牆正乳燕繞雕梁向登臨幾回
開笑口斜倚定紫藤鳩杖忽聽的雞聲人語
怎知他竹掩梅藏剛落箇繁華過眼又一番

野塘新雨芰荷香

北上小樓

天開成綠野堂門臨着濯錦江見了些萬頃
波濤三徑松筠十畝柴桑早難道勝地不常
盛筵難再故人無恙不覺的對西風暗添惆
悵

南撲燈蛾

放懷處天高地廣賞心時風清月朗留連着
良夜歡提攜着長劍舞安排下淺斟低唱眼
見的金飈送爽怎禁他玉露凋傷赤緊的流

光逝水卻又早碧梧涼影墮銀床

北尾聲

對南山苦憶陶元亮待到東籬菊正黃乘興
還來倒玉缸

北黃鐘醉花陰

早春西園宴集贈徐王

嫩柳雛鶯報春早春色到梁園多少寒已退
雪纔消細雨如膏漸滿地生芳草道月夕與
花朝歌舞叢中翠紅繞

喜遷鶯

見衫鸞黃鶴向瑤空擁下金鰲雲飄正星輝

月皎十二闌干花影搖天氣好透羅幃煖回
春信沁銀瓶香吐梅梢

出隊子

一簇兒綵花金話耀龍紋宮錦袍繡屏開宴
飲羊羔畫棟凝香補燕巢但願長春人不老

么篇

花霧裏銀箏斜抱粉香中檀板敲再陳水陸
出珍庖重按霓裳舞細腰更染霜毫揮醉稿

刮地風

見塵寰驀然成海島鳳樓中幾度吹簫牡丹

亭歌徹清平調簾捲生綃出瓊林九醞葡萄
獻瑤池千載蟠桃海棠嬌芍藥嫩天付妖嬈
怯荼蘼香夢老愛梨花淺淡粧描

四門子

天桃豔李兼含笑問春工何太巧金樽莫惜
頻傾倒賞芳時須及早花擁着堤柳拂着橋
指湖山遠通雲竇小蜂陣兒狂蝶翅兒飄趁
清波一雙嬌鳥

古水仙子

喜相逢皆俊髦聽了他白雪陽春曲轉高剛

道是文雅桓伊不爭這風流袁紹一箇箇吐
襟懷雲漢表怎教他公孫弘不重東閣白馬
翩翩壓錦貂戟門朱履金花帽還來學吹笙
江上覓王喬

尾聲

錦繡園林見應少儘千金一刻春宵尙兀自
賞不盡風光無限好

北商調集賢賓

寄懷滄洲李舜卿

白別來嬾斟花下酒非酒病爲花羞花有意
難傳幽恨酒無情不解眞愁近新來滿眼傷

春更和那困人晴晝梨花院落芳杜洲拚了
個雨拖雲逗這些時楚天高遊雨散巫峽遠
彩雲收

挂金索

常記的低簌珠簾露濕湘紋皺深鎖蘭堂人
在湖山後慢理瑤箏指滑冰弦溜困倚薰籠
香暖流蘇透

金菊香

到而今餘情都付水長流往事難將筆盡鈎
苑邊落花堤畔柳誰共追遊羞燕語妬鶯喉

醋葫蘆

我這裏盼泥金小柬遲寄香羅離恨久近新
來御溝紅葉傍誰流常則是牢繫在心苗閒
掛在口不離了黃昏清晝到而今碧雲明月
兩悠悠

後庭花

想當初睡鴛鴦沙上偶今日箇折鸞凰枝上
友想當初醉夜月芙蓉帳今日箇鎖春風楊
枝樓想當初乍相離剛暮秋挨過了春前春
後我這裏望天台雲又稠指藍橋水暗流盼

桃源花盡休遊絲兒抓斷了頭靈龜兒占罷
了手喜鵲兒啼破了口

青歌兒

這幾時精神精神倜傥語言語言差謬總把
新詞訴舊愁曲載蘭舟淚濕江州人阻青樓
惱亂蘇州望不斷碧天銀漢遠橫秋歸雁杳
驚鴻驟

金菊香

當日箇寶簪曾爲故人留到而今錦字翻成
薄倖羞金釧剖來和淚收早則是相會無由

一件件在心頭

浪裏來煞

春殘花事餘秋老人歸後半年來猶自夢滄
州花閒按歌燈下酒盼不見翠裙紅袖好教
我傷春來已復悲秋

北雙調新水令

雪夜集高玉機草堂

海天寥廓凍雲同霎時閒遍天街一場風送
玉蟾光漸吐銀漢影初橫相會匆匆漫傾倒
市頭甕

駐馬聽

酒醖杯濃雲母屏前香種種夜深簾控梅花
枝上月溶溶誰呼巽二駕驪龍頓令騰六翮
珠蚌苦留連更漏永主人情意偏教重

雁兒落

想着他尋詩的興不同訪友的情難共恰妝
成蕉葉圖誰打破梨花夢

得勝令

見放着六出泄春工三白兆年豐說甚麼羝
尾狐裘破儘着他羊羔錦帳重玲瓏一密裏
歌喉送朦朧百忙的醉眼慵

川撥棹

我和你乍相逢分明的擅南州高士風到而
今誰識人龍自笑宴鴻枉費雕蟲不入非熊
儘着他文德武功下場頭都是哄

七弟兄

看着你眼空志雄氣如虹管甚麼三略淮夷
頌上下的千載景陽鐘再休提一枕邯鄲夢

梅花酒

我和你志已同短棹孤篷浪跡浮踪翠篠青
松這塔兒權和哄誰不道老王通更何人似

孔融白着眼傲五公掀着腳跨豪雄納着頭
訪詩翁攜着手覓仙風

收江南

恰纔箇光搖銀海眩西東天邊時出兩三峯
燒殘銀燭夜堂空把黃紬自擁一任教黑甜
鄉外日生紅

北南呂一枝花

酬梁保定

雲臺舊策勳麟閣新圖畫簪纓百世澤茆土
五侯家安享榮華身隨着錦爛爛五鳳雲中
駕手披着碧粼粼雙龍背上甲見放着高聳

聳報德金貂忘忘卻赤碌碌收功汗馬

梁州第七

常好是近臣知天顏有喜遠人懷帝德無涯
見而今太平景象昭夷夏衣冠世美禮樂京
華朱輪絳節大纛高牙說家藏半卷丹書指
皇宣幾道白麻止不過伊周事業更和這孔
孟言詞且休提湯武征伐世家大雅不爭你
三千劍客居門下甚的是漢爲王楚爲霸別
有箇酒伴詩朋興趣佳少甚麼秋月春花

隔尾

從來禮數知寬大更比儒生多俊雅早難道
布袍軒冕同聲價愛你箇孟參軍曠達庾元
規瀟灑將俺那嵇叔夜風情調弄發

南南呂梧桐樹

過吳七泉山居

生來灑落懷還盡風流債酒友詩朋一任誇
豪邁鶯期與燕約總是春拈帶蝶夢與蜂魂
枉被花禁害麗春園贏得名兒在

北罵玉郎

閒來一枕青山外甚的是南柳市北花街見
而今白雲久隔紅塵陌糊塗了三百杯打熬

出三萬場超脫盡三千界

南東歐令

閒亭榭小樓臺半畝方塘一鑑開好山似畫
溪如帶粧點出煙霞寨桃花流水徧天台切
莫引世人來

北感皇恩

儘着他春去秋來霧鎖雲埋吟不就杜陵詩
寫不出王維畫賦不盡子雲才自然鋪敘誰
與安排清風振麗澤堂淡煙生水竹塢明月
滿掛蘭齋

堂塢齋皆其所築也

南浣溪沙

鶴唳中猿啼外別一箇幽雅襟懷不爭你玲瓏剔透疏狂態雪月風花錦繡排無處買這的是洛陽隄壽春莊有人綠野重開

北採茶歌

青松嶺手親栽綠荷裳手親裁陶潛元是舊彭澤落得箇日出三竿殘睡醒少甚麼月明千里故人來

南尾聲

酒三行歌一派紫藤鳩杖白芒鞋隨處春風

不用買

北仙呂點絳脣

送汪小村歸廣陵

四海高情五湖佳興詩中景都收入半卷丹青
落魄煞拍手歌隨心令

混江龍

他可也樂天知命不通姓字不言名漁樵故
侶鷗鷺閒盟歡樂較多愁較少道情爲重利
爲輕身不離棋枰藥裏口常談酒頌茶經滿
面兒春風和氣一腔兒秋水澄清

天下樂

落得箇半世青袍白髮生想着他前程水上
萍楊好是哭窮途阮步兵纔看破眼角兒怕
待睜慣轉動腳跟兒怕待行剛溫熱心腸兒
怕待冷

那吒令

想着他與風雲狀形筆精于右丞托江山寄
情詩工于少陵今日箇困林泉此生氣平于
禰衡甘守着原憲貧枉耽了相如病常自惺
惺

鵲踏枝

愛你箇老先生最多情不忘了十載交遊又
無甚千里途程駕着箇苕溪小艇緊彎住曲
水閒亭

寄生草

只把你爲平仲休猜咱是管寧我和你五侯
七貴曾相並幾番家九衢大市閒相競看了
些千紅萬紫爭相勝還只待新筍一醉洞庭
春誰承望故人三疊陽關令

么篇

漸漸的秋容改看看的暮景生我只見半天

殘照風帆正數聲短笛漁舟橫霎時間一江
涼月蘆花暎明朝騎鶴上揚州何時載酒來
陶徑

六么序

聽落葉千林響正潮回兩岸平最相關此際
離情你可甚門掩孤檠漏下三更尙猶自擁
寒衾夢繞金陵我這裏愁心況復逢衰病怎
禁他一片秋聲芙蓉未老霜華冷驀忽地涼
颼漸起殘月猶明

賺煞尾

還將來歲盟重與今宵訂須記得江南風景
切莫教霜寒雁影等閒間花老鶯聲錦層層
只恁般水秀山明依舊王孫芳草青遮莫你
樓書着摘星橋題着廣陵爭如俺莫愁湖畔
石頭城

北雙調新水令

吳門春泛

春光二月滿姑蘇正瀾漫柳煙花霧煖風薰
醉眼寶馬趁香車縹緲雲裾邀仙子坐天路
南二犯江兒水

有綠水青山無數分明是幻瑤宮噓洞府見

山明疊翠水繞平蕪恰初晴江上雨花軟趁
蜂鬚泥香飛燕雛漫說西湖爭似東吳果然
的并燕歌兼趙舞看幾處丹青畫圖更一代
風流人物端的是俯千秋高萬古

北雁兒落帶過得勝令

我則見天連震澤湖水繞楓橋渡清風陸羽
泉落日梁鴻墓 此地是仙都何處訪蓬壺
雨過山偏好人歸鳥自呼笙竽正天籟鳴琪
樹雲衢漸靈風響玉除

南夜行船序

懷古笑殺強吳歎當年誰覆一坏黃土傷情
處剩水殘山空餘丘墟多少春光來往遊人
幾番烏兔風雨但尋常宮闕又成禾黍

北川撥棹

我恰纔怨陶朱載西施浮子胥到而今野店
荒墟細柳新蒲芳草長途廢沼平湖尙猶自
蘭橈畫櫓怎教他春做主

南孝南歌

春猶戀酒再酤明日看花花有無金犢駐游
車玉碗洗行厨喜相逢吹簫伴侶行盡旗亭

和不就陽春句山氣佳人影疏樓外樓渡傍
渡

北清江引

桃源望來何處所笑咫尺迷歸路樓船天上
回簫鼓雲中度江頭小蟾猶半吐

南尾聲

切莫教鶯花漸老春光去攔斷的芳心無主
把歡娛恁般孤負

北雙調新水令

元夕武靜軒友于堂宴集

聚星堂粧點做藥珠宮正歡娛一年初動月

明天萬里燈燦錦千重十二簾櫳珠絡簌玉
鈎控

駐馬聽

寶髻盤龍一派霓裳紅袖擁碧簫銜鳳兩行
雲珮絳紗籠香風不斷綺羅薰紫霞偏瑣瑠
璃洞看天街人亂冗少甚麼六朝佳麗風流
種

雁兒落

我則見春香掌上生春意懷中動春聲雲外
來春色簷前弄

得勝令

這的是春滿畫堂中人在錦屏東玉漏三更
下銀河一水通雝雝每夜笙歌共匆匆誰家
笑語同

甜水令

喜的是四海昇平萬民鼓舞千年歌頌準備
下三祝獻華封只爲他荆樹聯芳燕山並美
謝池同夢因此上一堂和氣藹春風

清江引

良時況值清宵永一刻千金重重開花底筵

再解牀頭甕把金尊笑吟吟燈下捧

梅花酒

看他每興轉濃騰駕飛虹浩發天風縹緲仙
踪隔蓬萊山色重望瑤池海天空更扶桑向
東煙靄靄霧濛濛春蕩蕩煖融融星燦爛斗
縱橫歌白雪奏黃鐘魂夢裏畫圖中

收江南

霎時間彩雲飛下九華峯畫樓撞斷五更鐘
尙猶自錦堂銀燭影搖紅歎閭浮易哄人生
此樂最難逢

南南呂金索掛梧桐

冬夜譚平橋江霞館
宴集

茅堂夜正寒竹院風初透短炬高檠坐徹沉
沉漏長空漸覺移珠斗香老梅花影落孤山
瘦雲暗江天聲斷驚鴻驟天涯幸與同杯酒

東歐令

重開宴復藏闇秉燭何妨夜夜遊風流那在
他人後詩酒聖江山秀六朝煙月五湖秋都
一樣錦囊收

皂羅袍

一任你紅塵拖逗笑黃梁易醒白雪難酬籬

邊誰放剡溪舟門前自種先生柳月明天際
爲君少留雪晴江上爲君少留相逢更道何
時又

尾聲

瞬息間新春候有花還可插盈頭人世難逢
開笑口

北雙調新水令

曉發北河道中

曉鐘殘月亂雞聲我這裏望長河水天相暎
餘薰香未冷殘睡酒初醒薄利浮名鎖不住
故園興

雁兒落

我則見煙空草際平
雨洗山光淨
幾聲霜杵
高一點風帆正

得勝令

千里盼歸程
萬種切離情
松菊三秋老
風塵兩鬢星
伶仃酒病兼
愁病飄零
長亭更短亭
落梅風

干了些朱門貴
謁了些黃閣卿
將他那五陵車馬
跟隨定
把兩片破皮鞋磨的
來無踪影
落一箇腳跟乾淨

慶東原

那裏也鳴孤鳳何曾是釣巨鯨臥龍的終久
逢三聘空惹的心離了管寧情疏了晏平義
絕了張衡還自待擔書策走齊滕奮羽翼遊
梁鄧

川撥棹

我而今盼不的到秣陵水雲深霜露冷鷺約
鷗盟鶴唳猿聲月榭風亭酒伴詩評到處裏
幽溪峻嶺有誰來閒論爭

梅花酒

只恁般假志誠攜手兒同行笑臉兒相迎滿
口兒應承他恰纔眼角兒不睜我可甚耳朶
兒偏靈這塔兒須記省誰拙也誰能誰濁也
誰清枉了我營營誤了我惺惺辭別了賢兒
歸去也先生

收江南

我只待閒來江上坐吹笙幾回花底聽調箏
等閒風浪不須驚休得要再逞青袍今已誤
儒生

北黃鐘醉花陰

壽徐太傅

威德當朝震寰宇扶日月光臨九土歌麟趾
美駒虞玉牒金書歷萬載昭千古看天上奉
鸞輿穆穆清風仲山甫

南畫眉序

夔契佐唐虞整頓商周在伊呂見八朝經濟
一代規模立巖巖太華孤峯當屹屹中流砥
柱世無昔日推房杜於今不數夷吾

北喜遷鶯

似長城般遮護保東南瘴癘全無誰如歎開
疆展土端的是首建麒麟閣上圖天付與弘

景運林鐘乍叶際明時眞宰方儲

南畫眉序

崧嶽降神初纔見生申又生甫正百靈垂祐
萬象昭福日瞳瞳鸞誥齊頒星粲粲龍球雙
吐紫姑謾說神仙府人間自有蓬壺

北出隊子

剛道是九華仙部聽清歌聞妙舞分明小玉
慣通書彷彿飛瓊暗步虛道上品天厨臨帝
居

南神仗兒

南薰卻暑縹緲丹梯逍遙玄圃望中淡煙輕
霧露灑灑靈芝瑞草異花奇樹風飄落綵霞
裾香散滿碧紗厨

北刮地風

見見見長虹飛一縷早黃鶴走下天衢玳筵
前好景應無數綠柳紅蕖雕闌護百尺珊瑚
金屏貯九節菖蒲水晶圍珠翠繞人在清虛
藕絲陳冰簟鋪注瓊漿紫玉盤盂

南神仗兒

擁出先天混元祖共嬰兒和姖女羽蓋霓幢

來往相逐鶴髮虬髯齊拜呼說蟠桃今又熟
北四門子

儘佳山麗水天然趣一箇箇獻神龜呈寶鹿
錦堂中文錯皆奇物道誇今還耀古龍引着
駒鳳引着雛王侯家本爲天眷屬河出着圖
洛出着書少甚麼蟬聯珪組

南鬧樊樓

將相雙權兵農共撫願康寧享百祿願壽考
增五福籌添海屋共神人永安樂土

北古水仙子

我我我願有餘他他他世守河山帶礪書喜
喜喜豐樂時年剛剛剛太平節序他他他把
妖氛盡掃除我我我唱雲謠再進醴醑柏葉
椒花頌怎如有一日染丹砂和入金莖露爲
公作三祝華封圖

南尾聲

楚元王開下招賢路越顯的經文濟武卻笑
申公是腐儒

南南呂青衲襖

寄情

驪香肩鬆臂金試春羅寬帶錦這些時嬾把

生綃理針絳羞將寶鴨添水沉自別來只到
今幾曾時放下心不能勾一霎徘徊兩意綢
繆只落箇孤眠獨寢

五更轉

閒鳳綃虛鴛錦誰與同珊枕淒涼此際難消
任何事相如薄情特恁到而今猶記得花前
飲鎖窗寂靜空顛窸彷彿逢君梅花月蔭

東歐令

盼不的腮邊枕口中噙只會向陽臺夢兒裏
尋桃花露冷胭脂沁滴淚滿衫兒袵畫闌東

畔粉牆陰無奈漏沉沉

大迓鼓

逢人曾細審奈紫鸞聲杳錦鯉音沉自把閒
愁禁怎當他夕陽芳草暮靄平林拚卻風流
鬼病侵

浣溪沙

他負心特恁甚苦一似肺腑簽針金錢不准
年來讖錦瑟空閒月下吟身凜凜不由人失
迷魂沒合煞爲他吊膽提心

節節高

愁容著意臨漫思尋幾番欲寫還嘶噤難自
禁因些甚霜毫血醮尖兒浸綵牋墨灑行兒
淋一緘離思逐雲飛滿身香汗和衣滲

金蓮子

寄信音多情若見機中錦知他是長吟也短
吟不甫能剛離遠水又阻修岑

尾聲

有一日終須恁大拚一片志誠心將他那山
海樣恩情付與您

北雙調新水令

湯沂東海上凱歌

元戎十月凱歌旋定天山止憑了三箭劍橫
征袖冷血染戰袍鮮掃蕩了瘴海蠻煙齊列
着太平宴

駐馬聽

想當初蔽日遮天百里旗旛衝卽斷奔雷逐
電兩行衣甲射皆穿秦兵自合笑符堅楚人
未可輕王翦這其間功最顯赤緊的東風又
與周郎便

雁兒落

他他曾身當着虎豹關今日箇手捧定蛟龍

券他他曾陣開着魚鳥圖今日箇名列在麒麟殿

得勝令

單倚着三尺舊龍泉一柱可擎天白玉腰間帶黃金肘後懸凌煙破胡虜張仁愿燕然卻秦軍魯仲連

甜水令

也是他銳意三邊威聲萬里丹心一片眼見的滄海變桑田見而今畫戟朱輪玉關金鎖綸巾羽扇落得箇清露飲貂蟬

川撥棹

常只是掌威權剖三刑明六典還自待拔俊
登賢濟困扶顛把圯上兵書一卷保皇圖成
宴然

梅花酒

耳聽着帝主宣戎馬翩翩征鼓闐闐笑語喧
喧況值着豐稔年邊塞上枕戈眠把妖氛都
盡捲瞻舜日樂堯天歌君德頌臣賢歸農業
復民塵清疆宇淨川原時雨降惠風扇

收江南

我則見壺漿十里湧流泉笙歌百隊滿樓船
丈夫意氣小祈連看收兵罷戰春風環珮好
朝天

北越調鬪鷓鴣

王西莊宴集

煙水千折雲山萬疊雨洗孤村天垂四野遠
霽飛虹驚湍噴雪景自別意自愜喜的是歲
稔年豐愛的是人靈地傑

紫花兒序

見遠近野橋橫帶出西東小徑回通儘參差
怪石欹斜檣籬低護松障平截奇絕行盡春

風路轉賒看了這錦亭芳榭更花飈蜂鬚柳
軟鶯舌

金蕉葉

我則道隱仙源桃花暗接卻原是隔塵寰扶
桑半遮聽淅淅靈風亂翫正冉冉幽香漸泄
調笑令

暢好是這些再添設見而今美景良辰厮鞦
者想風流自有東山謝笑石家金谷豪奢又
不比序蘭亭的枉自嗟卻與那賦歸來的意
趣相協

禿厮兒

這的是開東閣張羅了俊傑不爭你臥南陽
埋伏着龍蛇比着那西園北海分外的別到
頭來樂事有差迭癡呆

小桃紅

果然的醉鄉花趁玉山斜能幾箇千金夜況
逢着有花兼有月省可裏共歡悅月團圓花
又無凋謝這其間遊人氣俠主人情切風景
不須賒

聖藥王

酒未竭席未徹一任教翠擁與紅遮歌暫輟
舞暫歇管甚麼釵驪與簪折明日再相挈

尾聲

繁華併入農桑社占斷了五湖煙月從今後
儘杜甫做詩題任王維當畫寫

卜雙調新水令

送吳懷梅還歙

煖風芳草徧天涯帶滄江遠山一抹六朝隄
畔柳三月寺邊花離緒交雜說不盡去時話

駐馬聽

少日豪華狼藉千金頻試馬當年聲價飄零

數載遠攜家巖頭空自老桑麻眼前那得辭
婚嫁總留連無半霎赤緊的歸心漸遠都門

下

雁兒落

我則見西風雙漿鳴落日孤帆挂鶯聲巧似
黃山色明如畫

得勝令

空對着野水漾晴沙老樹噪昏鴉極浦招漁
艇前村問酒家行咱客舍逢初夏觀咱長天
映晚霞

川撥棹

我和你舊情洽鬧場兒閒戲耍你可甚判柳
評花喚酒呼茶嫩蕊奇葩翠袖紅牙別一個
襟懷瀟灑笑春風兩鬢華

七弟兄

遮莫你敬咱愛咱總非他只爲我慣風情不
在他人下弄風騷羞向外人誇逞風流一任
傍人罵

梅花酒

你那裏風景佳有萬頃煙霞誦一卷南華就

九轉丹砂栽兩行陶令柳種幾畝邵侯瓜這
塔兒快活殺有一日臨帝闕載仙槎乘彩鳳
握黃麻鳴四海震三巴

收江南

霎時間溶溶月色上檐枒趁着箇離離花影
過窗紗幾能勾笑沽春酒到君家下陳蕃舊
榻再將幽恨訴琵琶

北仙呂點絳唇

朱企齋園亭賞大紅牡丹

麗日偏長煖風初蕩亭臺上多少春光堪與
遊人賞

混江龍

這的是主人清況等閒開宴出紅粧絳羅高
捲繡幕低張萬種妖嬈誇國色十分佳麗逞
天香喜孜孜輕颺石榴裙顫巍巍嬌閃芙蓉
帳想當日羞稱魏紫到而今誰數姚黃

油葫蘆

自古名園說洛陽試看那月波隄棠棣坊一
任教五陵豪貴盡爭強那裏也蜂蝶閒來往
儘着他桃李爭開放歎芳時有幾多賞花時
能幾場早蕭蕭白髮三千丈怎禁他春色笑

人忙

天下樂

看了這笑臉生春酒暈香新粧點胭脂上海
棠恰勝似列金釵十二行自你那買花錢不
害疼惜花心偏較癢還只待醉佳人錦瑟傍

那吒令

纔出的洞房溼浸浸露涼剛行過粉牆煖融
融日光恰來到畫堂漸微微雨香金粧成西
子圖玉碾就楊妃像怎教他美名兒不占花

王

鵲踏枝

我這裏細度量不尋常着句兒推敲好話兒
包藏不爭你能培慣養落得箇豔抹濃粧

寄生草

也不用元興賦三千字也不用太白詩一兩
章常只要名花歲歲尊前放芳尊日日花前
釀清歌夜夜燈前唱便有那美言詞序不盡
你好襟懷巧丹青畫不出他嬌模樣

賺煞尾

說風流眾怎如論富貴花皆讓况值着清和

豔陽燕子飛來簾半敞
醉淋漓舞袖郎當轉
迴廊月色蒼蒼猶自傳
杯夜未央剛離了芍
藥圃傍卻又早沉香亭
上愛你箇白頭翁常
伴着紫雲娘

北正宮端正好

送葉半西內臺

雪纔晴寒猶重正扶桑
曉日曛曛宿醒未解
離歌動驚起幽人夢

滾繡球

我恰纔望霓旌霄漢間
走天街塵霧中也不
知繞畫橋幾多車從鳳
臺西白鷺洲東詩吟

勾三五篇酒斟來十數鐘他那裏錦鞦低控
紫貂裘斜壓青驄迢遙江樹人千里縹緲雲
山路幾重別恨匆匆

倘秀才

我只見風灑灑寒湖亂湧煙漠漠孤峯半聳
回首天涯西復東嗟浪跡歎浮踪離懷萬種

賽鴻秋

我這裏年來萬樹桃花洞春來幾句椒花頌
閒來一枕梨花夢醒來數曲梅花弄雖爲堯
舜農不識商周貢爭如您孤鳴久作丹山鳳

脫布衫

本先朝禮樂名公況傳家忠孝門風論道德
常遵周孔說勳庸久推姚宋

小梁州

恰道當年許敬宗慣追尋清白遺蹤百年宦
轍喜初通還珍重更詞氣靄雍雍

么篇

美才只合爲時用豸袍寬滿面霜風思雅致
懷高詠止不過暫時閒陪奉何一日再相逢

賀郎兒

又買了幾盞兒江頭新饗急切裏醉不了我
衰年老翁見放着竹爐湯沸火初紅那些箇
暮雲春樹渭北江東只落的野渡無人舟自
橫

醉太平

從今後輕裝細雨匹馬西風行行遙聽景陽
鐘望天門九重黃塵古道衝寒凍青燈旅館
添歸夢白雲親舍覓征鴻正值着暮冬

煞尾

南臺萬里重相送北闕三年始奏功那時節

聖明端拱九五飛龍環珮春風獨向新年荷
新寵

北南呂一枝花

姚秋澗市隱園

靈源隱帝畿勝蹟通仙苑華林開廣畝芳草
接平原雖然是城市相連指碧海天邊見望
滄江雲外捲四時中景色偏宜六朝餘風流
不淺

梁州第七

我則見鍾陵山千重翠靄石頭城萬點蒼煙
更和那清溪一帶明如練儘着他繁花曜日

老樹參天一羣啼鳥幾處鳴蟬綠楊如陶令
門前紅蓮似周子溪邊早難道吹臺高李白
尋詩習池佳山公醉酒草堂幽揚子談玄比
着那息園東橋顧氏築也快園靜仙徐氏築也幾十年文物
人爭羨發揚深品題徧得箇王維畫輞川意
趣天然

罵玉郎

遮莫我春風醉眼翻歌扇一處處列芳筵玉
林滿耳秋聲戰帶瀟湘萬頃煙愛中林堂更
偏目不見紅塵面

感皇恩

少甚麼容與臺前春雨畦邊觀生處靜如山
思玄室大似斗洗硯磯小如拳一任教鷗波
蕩漾鶴徑盤旋傍羲之鵝羣閣近元規海月
樓當陸羽煮茶泉

採茶歌

浮玉橋繫漁船秋影亭漱流泉幽居萃止也
陶然更有那柳浪隄頭芙蓉館興來還欲借
菴眠

隔尾

醉深不覺遊人倦樂極方知地主賢越顯的
白頭貴也黃金賤有一日趁煙花滿川載絲
竹滿船重把江湖酒量展

南南呂金索掛梧桐

春晚

鶯停柳外聲燕繞梁間語萬紫千紅水面飄
香絮凭闌細把花期數九十春光一點知何
處一寸柔腸萬縷還千緒那堪幾陣無情雨

東歐令

天涯路老蘼蕪舊日王孫歸去無吳歌越吹
青樓暮多少銷魂處東風無力倩誰扶羞傅

粉怨調朱

皂羅袍

冷落綠窗朱戶漸凋零寶馬香車荼蘼香霧
怯羅襦桃花歌扇閒金縷一簾清夢偏驚杜
宇滿懷幽思愁聞杜宇芳心似共春無主

尾聲

把歡娛休孤負還只待滿身花影倩人扶醉
倒黃公舊酒壚

北雙調新水令

寄情

碧雲迢遞雁南征瑣重門小窗人靜可憐清

瘦影羞對短長檠愁緒牽縈積漸的弄成病

駐馬聽

後約難憑屈指佳期成畫餅前言不應惱人
閒事阻歸程幾番人去苦叮嚀一紙書來勞
記省盼多情不見影怎忘卻風流樣子溫柔
性

喬睥兒

只爲他椿椿兒且是能件件兒都相稱因此
上出格的將他敬恨不的口中噙頭上頂

雁兒落

憑着他今世情也是咱前生命據着咱今世盟也是他前生定

得勝令

這些時冷落了翠幃屏寂寞了錦香亭漸漸的秋將盡看看的春又生歌聲怕向樽前聽砧聲愁來枕上聽

甜水令

赤緊的白髮先疎青衫易濕紅顏薄命空教我無語自招承到而今錦鯉誰通金烏易擲綠鴛難並怎教人不怨別離輕

折桂令

這些時悶厭厭數盡寒更又無甚遠水遙山
空耽着薄利微名常自孤零有誰作伴共我
閒行只恁般虛飄飄遊魂易醒困騰騰殘醉
難醒風自多情月自多情雲也無憑雨也無
憑

尾聲

有一日煖雲重護鮫綃惻別一箇畫屋春生
猶記的花前惆悵綺羅香月底歸來珮環冷

北仙呂點絳脣 八十一自壽

八十年來三千里外關西派浪跡江淮留得
殘軀在

混江龍

今日箇幸逢昭代宜家禮教未曾衰喜的是
唐虞善化周召憐才皇風正洽紫氣重來又
無甚三徑松筠彭澤里那里也五陵車馬洛
陽街但逢人常結箇喜歡緣算謀身止欠下
風流債畢罷了眼前婚嫁消磨盡世外行骸
油葫蘆

想當時曾向齊門鼓瑟來歎流光如過客幾

番花落又花開出門苦恨江湖窄到頭始覺
乾坤大歷冰霜枉了半生困齏鹽勞了數載
伴着些采花人爭向天街賣落的箇燕妬與
鶯猜

天下樂

見放着十里青山玄度宅寄語同儕不是我
占場兒慣打乖試看取傍青溪蕭爽齋指桃
源有路通認天台無藥采切莫引世人相逐
來

那吒令

有時節騁懷登李太白吹臺有時節愴懷慕
阮嗣宗嘯臺有時節放懷過巖子陵釣臺但
得箇到百年這便是超三界說甚麼閬苑蓬
萊

鵲踏枝

也是我好安排暗裁劃受用足翠篠青松白
石蒼苔若不是身離苦海怎免的夢墮顛崖
寄生草

也不用平胡表又何須安漢策想楊雄老去
玄心在東坡酒醒禪心在相如病起琴心在

憑着箇枯杯數子透仙關常好是浩歌一曲
鳴天籟

賺煞

樽酒舊藏醅野圃新挑菜座擁着春風醉客
早難道歲月都將麴蘖埋儘逍遙布韞青鞋
見庭階蘭桂爭開少甚麼白髮烏紗照彩萊
喜故人不衰願明時常泰遙望着極天雨露
徧枯荄

北南呂一枝花

嘲吳山人雪中招客游天界寺

常教酒欠錢只把詩還債江湖容易老歲月

好難捱無計安排又恐怕親朋怪強將葷素
擺那里也樂陶陶雅集西園怎如他喜孜孜
尊開北海

梁州第七

他待學豪放朝朝走馬逞風流日日登臺揀
了箇好時好節遊天界請了些狂朋怪友驚
動了後巷前街又無甚肥羊美酒那里也翠
袖金釵赤緊的着一場漫天雪趕的來北走
南奔被幾陣扇山風刮的來東倒西歪一箇
跑的來喘吁吁往僧舍忙鑽一箇凍的來戰

兢兢將村膠旋買一箇餓的來荒張張把攢
盒齊開恰待要放懷大賽止不過殘魚剩肉
和醃菜喫的凶收的快一箇箇都將空肚子
捱拿着箇佛主兒當灾

罵玉郎

那里也參禪解下東坡帶只管里白打渾死
粧呆見放着天寒日短時光快惹下些寡酸
丁並無箇賢施主又撞着老撞才

感皇恩

喫了他一頓清齋費了他幾貫私財弄的箇

金自誇難以開言閃的箇楊喫寺何曾到口
耍的箇張醫官怎去平脈一箇家弩唇棒嘴
一箇家爬耳揉腮一箇吟幾首送窮詩一箇
念幾聲消災佛一箇說幾句大言牌

採茶歌

把一箇老鄉官跌倒在長街把一箇窮居士
斷送到荒崖他每都不圖葷酒喫長齋那里
也一曲昇平人盡樂只落得滿頭風雪卻歸
來

賺煞尾

有幾箇欺生的外祟都不在有幾箇怕遠的
親人又不來果若你山人好客情無懈從今
後把賢門大開將華筵再擺少甚麼一食三
千孟嘗客

蕭爽齋樂府卷上

蕭爽齋樂府卷下 小令

金陵金鑾在衡譔

北小梁州 閒適五首

得高歌處且高歌問東君花事如何紫檀翠
袖錦雲窩齊聲和何處月明多 勸君莫把
光陰錯歎當年枉自蹉跎白髮添青春過被
咱識破贏得笑呵呵

得留連處且留連醉來時仰面青天山閒林
下總陶然追游徧終日對花眠 老天乞與
身强健任春來秋去年年酒百杯詩千卷蓬

頭垢面不奉帝王宣

得醅醢處且醅醢又何須錦帳羊羔野花村
外有香醪家家到隨意兩三瓢 是誰跳出
愁圈套還來尋安樂窩巢燕子喧雞兒叫莫
教驚覺睡到日頭高

得猖狂處且猖狂再休提往日行藏銀鞵白
馬紫絲韁平康巷終日爲誰忙 算來總是
糊塗帳又一番傀儡登場誰做卿誰爲相邯
鄲道上各自夢黃梁

得朦朧處且朦朧管甚麼皂白青紅是非窩

裏虎狼叢終何用都當耳邊風 眼前楚漢
和唐宋實坏坏多少英雄一縷輕千金重任
他搬弄我自哈哈哄

前調

詠漁樵耕牧四首

得糊塗處且糊塗恰便似沒嘴葫蘆入門休
得問榮枯前程路滿地是江湖 漁家自得
煙波趣受用些新酒活魚雲裏烏天邊兔朝
來暮去忙不到漁夫

得粧呆處且粧呆我這里暗裏裁劃忙人忙
盡忙還在都休怪難與你說明白 樵夫每

少欠下肩頭債挨不了幾捆乾柴大擔子挑
長街上賣無災無害明日再擔來

得安身處且安身眼見的世事紛紛任他出
假與包真都休論各自一鄉村 農家自有
農家分自耕來自食誰嗔白酒新黃雞嫩風
調雨順但見長兒孫

得便宜處且便宜窮不了一領簑衣饑時淡
飯與黃蘘名和利丟在六州西 牧兒每自
有抽身計漫坡子管甚高低風雨裏行山溪
閒睡一鞭牛背獨自唱歌歸

北沽美酒帶過太平令

四時燕爲侯
家作四首

畫梁閒補燕泥綠窗前綰蛛絲正日煖風柔
堪賞時早元宵上巳盼清明過寒食 剛道

是踏青遊劇卻原來拾翠歸遲趁蝶影舞腰
輕細助鶯喉歌聲流麗海棠屏這壁牡丹亭
近西茶蘼架那裏只喫到玉繩低月兒初墜
綠雲鬟映碧紗紫檀槽按紅牙還戴着遊春
兩鬢花卻又早涼亭上戲耍布沈李設浮瓜
垂柳岸淡煙一抹宴重開水陸交加鬆寶

釧齊紈輕撒絡銀鈎湘簾低掛汗浸溼玉娃

風搖動翠華香流出鳳竿只喫到畫樓頭月
兒西下

釀葡萄喫酒香採芙蓉怯風涼纔過了炎蒸
夏日長儘華堂氣爽奏雲和舞霓裳 早打
迭碧霞仙帳恰收拾紫玉胡牀拂金飈天街
疏放洗銀河露臺高曠歌聲繞綵梁歡聲出
粉牆笑聲傳畫舫只喫到繡檐前梧桐月上
纔深秋又小春漸嚴寒透重裯擺列着十二
燕姬粉黛新把一箇玉山來扶穩盡都是皂
貂裘紫駝裙 卻又道一年將盡慣追歡公

子王孫喜瑞雪紛紛成陣盼芳春看看來近
把羊羔再溫將龍涎細熏趁鴛幃閉緊只喫
到畫闌邊梅花月印

南黃鶯兒

秋雨

點點滴空堦透幽窗惱病懷枕邊正覺無聊
賴離尊怕開鄉書懶裁芭蕉聲裏垂楊外夢
初來被他禁害和淚下陽臺

前調

秋風

何處響琳瑯漸輕颺送晚涼隔窗吹過芙蓉
帳飄飄繞廊蕭蕭滿堂采蓮人正在秋江上

采蓮腔一聲聲吹向猶恨隔瀟湘

前調

秋月

萬里坐冰壺看清光何處無小堂一夜明如
素故人已疏芳尊久虛桂花香斷天邊路笑
蟾蜍朝朝暮暮只恨影兒孤

前調

秋露

清淚滴嬋娟墜瓊珠顆顆圓幾回立遍閒庭
院香凝翠鈿涼生綺筵芙蓉冷落殘粧面望
甘泉君恩漸遠渴殺病文園

前調

新月

又見掛城頭。遞微明過小樓。凭闌漸近黃昏。
後雙眉斂愁。孤形暗羞。梅梢瘦影新涼透。拭
嗔眸。幾番醉醒。錯認作釣詩鉤。

前調

新霽

細雨捲輕雷。趁西風過小溪。夕陽芳草渾無
際。浮雲片時長空萬里。江城獨立。生愁思。拂
虹霓。模糊老眼。還當作上天梯。

前調

詠燕

花落燕飛來。棄高梁過小齋。當時故主今還
在。門兒半開。簾兒半擡。聲聲只向茅檐外。莫

疑猜綠楊庭

前案南宮院還是去年栽

前調

詠蝶

花落蝶飛頻繞園林雨正昏可憐粉謝胭脂
褪殘英滿村餘香滿身東風怨殺吹花信引
芳魂石家金谷別是一番春

前調

春怨二首

花落水流紅盼桃源路未通紫簫吹斷秦樓
鳳鴛幃幾重雲鬢半鬆而今都做了游仙夢
恨萍踪隨風搬弄一任各西東

花落水流香趁東風過短牆天涯遊子心偏

蕩書修幾行詩題數章而今都做了糊塗帳
惹愁腸鶯勞燕攘贏得一春忙

南一封書

閒適四首

青溪畔小舟趁西風下淺流綠楊外小樓帶
斜陽暎遠洲半簑好夢三更雨一笛青商萬
頃秋任沉浮隨去留與我忘機是白鷗

青溪畔小堂四壁雖空書滿床碧巖下小窗
半世雖貧酒滿缸好山有意常當戶明月多
情遠過牆伴詩狂與酒狂唾向西風枕簟香
青溪畔小園任荒蕪種幾年黃庭畔小牋任

生疏寫半篇分來紅藥春前好摘去青葵雨
後鮮又不癩又不仙拾得榆錢當酒錢
青溪畔小庵奉如來燈半龕黃茅下小潭照
楞伽月半函何須野老通經典只與鄰僧供
笑談也粧憨也戒貪是箇閒人好放參

北沉醉東風

病起閒適四首

聞理亂埋頭縮頸遇笙歌側耳聽聲參不透
懵懂禪害不死風流病老先生吐與箇真情
丟了前程顧後程這夢兒誰曾喚醒

狼虎隊幾乎着手燕鶯巢幸爾抽頭要扶的

拖桿牢只打的機關透老先生說與箇原由
除得熬煎破得愁輸了我這歪詩薄酒

使不出軍門計策用不着翰院文才笑將村
酒沾戲把山花戴老先生這樣襟懷山自青
青雲自白那用你銅錢去買

歎白髮新來漸長怪青春過去偏忙坐薰風
楊柳樓捲夜月芙蓉帳老先生這樣行藏聞
的花香與酒香腳步兒時間就癢

前調 挽徐髯仙

幾曾見折腰五斗多管是長揖諸侯說繁華

在眼前酣歌舞忘身後七十年逞盡風流見
而今海內人將詞翰收落得個名兒不朽

前調

夏旱

我則見赤焰焰長空噴火怎能勾白茫茫平
地生波望一番雲雨來空幾箇雷霆過只落
得焦燂燂煮海煎河料着這露水珠兒有幾
多也難與俺相如救渴

前調

題冰月仙姑

對語笑清華自別接風神精彩偏澈貯蓬壺
一片秋汎銀海千金夜終有箇透靈光打破

塵劫聞道長生有秘訣直走上珠宮貝闕

前調 贈方童子

小童子生來俊雅老先生喚出英華恭然向
客前難久居人下碧瑩瑩美玉無瑕見說文
章世業家應有箇班揚董馬

前調

嘲王都閩送米不足

實支與官糧一斗乃因而減半徵收既不係
坐地分有何故臨倉扣這其閒須要追求火
速移文到地頭查照有無應否

前調

風情嘲戲四首

要好時其實就好說開交便要開交儘着你
信意兒嫖沿門子跳我這裏冷眼偷瞧勸哥
哥請箇先生再去學學到老不會到老

論見景輪咱見景道雜情數你雜情猜不破
腹內言醫不着心頭病還自待掩耳偷鈴只
爲你冤家不至誠生把我心腸兒弄冷

人面前瞞神下鬼我根前口是心非只將那
冷語兒剗常把箇血心來味閃人的寸步難
移便要撐開船頭待怎的誰和你一篙子到

底

鼻凹裏砂糖怎飮指甲上死肉難粘盼不得
到口吞恨不的連鍋啗管甚麼苦辣酸鹹這
般樣還教不解饑也是箇天生餓臉

前調

嘲眇妓

這些二時逢人就躲袖稍兒斜掩定秋波見一
行情淚流界半頰香痕破悶厭厭嬾畫雙蛾
還打平康舊路過眼挫裏何曾抹我

北水仙子帶過折桂令

壽張沙南隱君

風流常占錦屏春瀟灑何妨白髮新豪華一
任黃金盡說高情成話本唾珠璣座擁王孫

聲藹藹五湖嘉遯世縣縣三朝舊隱樂陶陶
四海閒身 喜丁年甲子初旬纔履陽剛又
值莛賓幸相逢嘯倚蘇門一曲清歌九醞芳
尊誰鍊養活潑潑仙家玄牝自消磨翻滾滾
世路紅塵迹比劉殷美並陳遵晚歲熊羆盛
世麒麟

前調

壽許石城尙寶

遙憐北海飲方豪卻喜東山臥正高昌陽本
是長年藥遮莫你享康寧增壽考先可也立
清時名滿當朝早打透歡娛關竅忙蹬脫憂

愁絡索急尋來安樂窩巢 問先生當日勸
勞朝也趨朝暮也趨朝請先生今日量度去
也名高就也名高你本是奮版築商巖的故
老權當做着羊裘巖瀨的知交常只願白髮
青袍紫蓋黃鶴少甚麼韓柳文章李杜風騷

前調

題潔泉爲淮南胡君

九秋明月照金波五夜晴空落絳河一堂新
爽揮珠唾景由他情在我這其間我和他情
景俱多洗淨了眼前塵污潑滅了胸頭慮火
消除了醉裏煩疴 雖然是靜潺潺流處無

多霎時間散滿江湖填塞溝壑這塔兒你試
經過千頃汪洋萬象森羅俺也曾向桃源橫
撐着釣舸下桐江歷遍了煙簑情卻如何景
卻如何遠近波光多少漁歌

前調

仙桂分香圖爲莆田陳侍御後人題

狀元榜眼探花郎三色花分紅白黃喜一門
貴子三公相際明時羅雋網一箇箇拂秋風
萬里天香紅桂是火靈昭象白桂是金精布
爽黃桂是土德呈祥 想當年老桂傳芳瑞
應羅含夢協吳剛少甚麼瓊宇迢迢銀河耿

耿玉露灑灑有一日跨綵鳳飛來天上其嫦
娥行過花傍落幾個年少仙郎恰又早價重
明堂奕世簪纓華國文章

北落梅風

詠蠅

從交夏攘到秋纏定了不離左右饒你滿身
都是口嘗得出那些兒香臭

前調

詠風

憎頭銳憐性拙一塔兒熱窩中依藉又不曾
苦貪人些多氣血湯抹着子孫族滅

前調

詠蚤

明明的去暗暗的來怎當他毒如蜂蠆死來
頭上還不採天生的嘴尖舌快

前調 詠蚤

纔離了睡又蜚上身纏殺人怎生安頓些娘
箇兒偏走滾任遮攔遣他不盡

北朝天子

寄酬杞縣張兌園昆季四首

烏絲錦鯉細寫泥金字晴窗盡日展封題多
少閒情思白髮干莖青燈兩地念知音聊寄
此小詞半紙傳與梅花使

雪消汴橋盼不到王猷棹北風千里托神交

雞黍何年約明月江村清霜籬落夢來遲人
去早碧簫畫角總是梅花調

非熊臥龍爭似您河東鳳當年垂翅向冥鴻
朝野皆珍重東壁圖書西堂歌咏水低回山
半擁志同道窮付與梅花夢

水光月光隨處添佳况洛陽住近午橋庄自
古多豪放桃李溪邊牡丹亭上待他時來共
賞淡粧暗香引入梅花帳

前調 懷楚中故人

斜陽野航西風短檣夜夜聞漁唱洞庭千里

帶灤湘有多少閒風浪新酒多情故人無恙
望天涯成夢想武昌漢陽今古空相向

前調

煮茶

玉泉惠泉香露冷瓊珠濺石爐松火手親煎
細擣入梅花片春早羅峴雨晴陽羨載誰家
詩畫船酒仙睡仙只要見盧仝面

前調

秋雨

早來晚來偏不離窗兒外一聲聲滴向空階
只慣把人禁害夢繞江湖愁深關塞夢先驚
愁未解這其閒好懷惡懷都一樣無聊賴

前調 秋燈

長檠短檠孤焰小寒牕靜空齋猶自對殘更
看瘦影憐衰病白髮無情青氈有幸共消磨
已半生酒醒夢驚照幾處人孤另

前調 問花

問花問花爲甚把人牽挂當時曾醉美人家
春似海顏如畫到而今剛值殘春又逢初夏
空香車閒寶馬這幾時怨他恨他夢不到茶
縻架

前調 問燕

燕兒燕兒秋至也尋歸計想當初桃花香蹴
錦江泥將舊主重尋覓來也何言去時何意
近前來還問你對東風故知笑楊花蕩子不
知他何處裏同飄寄

前調

席上

醉來興來屢犯高陽戒主人不惜酒重開明
月還相待起舞燈前放歌天外晚風輕涼露
白雅懷好懷總是君相愛

前調

嘲金回回父子

金家把把生下箇滿喇衡自己檯聲價是人

都道不如他只有他爺兒們大一箇做幾首
歪詩一箇臨幾家邪畫常則是欺同行壓當
家老誇小誇也是你祖代傳流下

北水仙子

酬友人寄扇

湘娥班竹薛濤賤錦水凝脂膩更鮮美人製
就合歡扇念情深勞寄遠疊金泥象軸犀錢
常好是伴明月瑤天一片握清風瓊華半展
寫新詞錦字千言

前調

廣陵夜泊

城邊燈火幾家樓江上風波一葉舟月中簫

鼓三更後聽誰家猶喚酒正煙花二月揚州
人已去錦窗鴛鴦物猶存青蒲細柳怨難平
舞態歌喉

前調

暮春偶集任城村園亭

小園初試碧桃花細雨新抽紫笋芽野亭旋
搭薔薇架晚涼生高興發半幽閒半入繁華
喜處處吟餘清暇笑日日斟殘綠笋任蕭蕭
老盡白髮

前調

中秋

人從今夜不須醒月到中秋分外明陰晴來

日誰能定笑閻浮成泡影問蟾蜍那得長生
催玉漏幾聲人靜望瑤京諸天露冷瀉銀河
一派風清

前調

侯家雙壽

紫金丹駐赤靈砂連理枝生並蒂花藍田玉
重連城價水雲鄉公相家正清秋飯煮胡麻
雲藹藹同臨鶴駕花簇簇雙樹鳳竿笑吟吟
齊赴龍華

前調

友人嘗食以果餠湯餅甚美久而不能忘心作此識笑

包藏青鳳口中酥宛轉驪龍領下珠金盤捧

出薔薇露搗香粳團玉乳費君家多少工夫
假若你填不滿老夫腸肚撐不壞窮人臟腑
再開箇東閣何如

前調

夏日轅門燕集

白蓮深映粉牆低綠柳平張翠蓋齊元戎舊
府開新例列笙歌排劍戟布袍寬笑趁朱衣
愛恁箇多蕭散高情劉毅慣疏狂無羈阮籍
逞風流有道桓伊

前調

戲謝友人

送來熏腿與燒鵝又有陳倉米半盒老夫望

想何曾過歎交情誰念我愛將軍禮數偏多
陳熟米何須簸爛肥甘不用火這其閒五臟
神也知感王哥

前調

戲呈鍾怡山

買花日日醉湖船曾是瓊林會上仙白頭始
識春風面酒懷寬歌袖緩畫橋西楊柳隄邊
自別來幾能相見又無甚關河路遠止不過
雲雨情牽

前調

答王十岳病中見嘲

朝朝紈扇寫新詩夜夜銀箏唱小詞司空見

慣渾閒事笑蘇州韋刺史逞風騷勾引相思
儘賣弄邊孝先當年張致空欺負漢相如新
來病體枉裊彈沈休文舊日腰肢

前調

戲謝張右泉神劑

添些二歸芍血全生加上芎蘇氣漸行這方兒
正對着咱家症你便是李東垣張仲景只您
般起死回生也是我多病的婆兒有命撞着
你大德的先生好請誰知他没錢的藥兒偏

靈

前調

奇遇

與君今夕乍相逢纔得靈犀一點通雖然半
霎嬌搏弄打熬出惡相思千萬種可惜是雲
雨匆匆果若你恩深情重拚了箇天長地久
又何妨水遠山重

北滿庭芳

淮上追吳厚丘至揚州戲作

我和你西湖分首實指望平和橋下同上蘭
舟誰知解纜爭先後早來到寶應灣頭又被
你幾篙子撐離了界首一篷風使過了高郵
我這裏望着露筋廟無昏晝沿着邵伯湖邊
兒徑走只趕到揚州

前調 長干春興

鳳凰臺下見兩行楊柳千樹桃花當年燕子
添聲價又來到百姓人家看白晝香塵走馬
聽黃昏老樹啼鴉便做到春如畫漸風飄雨
灑芳草遍天涯

前調 嘲高北橋送年節

北橋減省年年送節只有虛名醬油酒醋安
排定大小二瓶粧扮的門面兒比別人齊整
消磨的分兩兒較往日全輕假若到來歲還
申敬自不如折乾是本等兩下裏見人情

前調

友人以絹衣一襲見貽者偶爾戲答

送來的深衣兒特晃蘇州熟絹光素沉香恰
便似可着身裁翦下時新樣不短不長撈到
手沒些兒牽強對着人改樣的輕狂正打在
心窩兒上越爬着越癢添一件兒有何妨

北醉太平

漫興四首

粗粗的布袍舊舊的麻縑花邊竹杖柳邊橋
也不須動腳三餐淡飯從吾好幾杯薄酒隨
人笑一畦野菜任咱挑落一箇醉飽

下一盤始某作幾首歪詩興來唱箇小曲兒

是我老年的見識伊周事業彌天地孔顏道
德昭星日班楊詞賦耀今昔到頭來如此
深深的草萊小小的亭臺多山多水少塵埃
任流光過客好人兒留得百年在好酒兒落
得千家賣好花兒常得四時開大家來合采
武陵溪釣舸七里灘煙簑九嶷山下舊松蘿
有誰來尋我不耕不稼不饑餓無官無爵無
災禍有花有酒有笙歌是咱的結果

北脫布衫帶過小梁州

燈下許尙寶刀
賞牡丹

寫花神宛在吟邊鬪春工最是燈前剛顯出

紫深黃淺又映着綠攬紅閒
恰才箇金屋
銀屏敞繡筵一笑嫣然笙歌如沸酒如泉天香
徧飛落九華仙
清宵豈爲紅粧戀奈新來
白髮堪憐暮雨情春風面縱年年相見不費
買花錢

前調 寄玉生

記當時人醉花朝閒亭靜月底聞簫聲噓噓
笙簧鬪巧步盈盈粉香含笑
恰道東風滿
畫橋掩映梅梢茶蘼淺淡海棠嬌寒猶峭花
氣惹春袍
別來咫尺無音耗漸園林景物

蕭條春又歸秋將到恨芳尊零落夢斷楚天
高

北河西六娘子

鬪情入首

海棠陰輕閃過鳳頭釵没人處款款行來好
風兒不住的吹羅帶猜也麼猜待說口難開
待動手難擡淚點兒和衣暗暗的揩

錦園林春意已蕭條更那禁雨打風飄負心
人做事天知道焦也麼焦書兒也會梢夢兒
杆徒勞淚點兒如梭暗暗的拋

畫樓空香散彩雲收輕輕的捲上簾鈎對粧

臺忽覺的麗兒瘦休也麼休一半爲春愁一
半爲花羞淚點兒如珠暗暗的流

恨西風吹不到錦長安折倒的改換朱顏
琵琶聲已斷潯陽岸彈也麼彈湘江水漸寒
巫山雨又殘淚點兒羞搵暗暗的乾

柳絲柔輕颭石榴裙靜孱孱門掩黃昏倩霜
毫寫一紙平安信嗔也麼嗔負了我的恩
瞞了那箇人淚點兒和書暗暗的湮

碧紗厨低映月兒明我這裏好夢將成隔窗
兒誰送過相思令聽也麼聽分明兩地情番

成一樣聲淚點兒和愁暗暗的傾

繡屏閒空負卻舞腰纖這幾時恨壓眉尖怕
人知鬼病兒成積漸慊也麼慊心兒久粘黏
意兒苦拘鉗淚點兒如絲暗暗的添

寄離情織不就錦囊詩空撩亂萬縷千絲耳
邊言一字字都牢記癡也麼癡娘行也不知
他行也不知淚點兒無人暗暗的垂

北湖十八

風情嘲戲十首

走將來冷廝侵動不動洎淘氣誰着你討便
宜前緣前世少他的熱粘着死皮眼睜的鬼

迷有一日終着閃四撲子定着地

尋思的意兒癡作念的口兒破睜着眼跳黃
河甜言甜語謊兒多弄殺你小哥圖甚麼養
活喫的虧做一堆識的破忍不過

好漢錢只待去還涎頭債不住的要藏頭蝎
笑中刀茶裏不着飯裏着長擔子短挑慢鍋
兒緊燒割着肉不覺疼忍着氣轉陪笑

伸着腳待你拴拎着頭等他救不教你便寧
貼篋兒紐緊笏兒折我又不來打楚又不來
討賒多了言當不的錢許了借准不得謝

腳跟兒委的勤舌尖兒果然溜甜如蜜滑如
油全憑軟款與溫柔纔留下箇想頭又尋了
箇歹頭眼睜睜盼不的來血漓漓捨不的呪
馬蹄般精徹金鴉翎般挺生鈔恨不的把籬
挑越教擡起價兒高偷眼兒冷瞧暗拳兒軟
掏使不着呆裏奸弄不出眼前俏

纔離了眼角清剛得箇耳根淨骨朶嘴掛注
瓶誰人是你眼中丁撇了箇火坑安下座老
營喫的是這服藥害的是那家病

橫着心一密裏猜對着面百般家怪封着口

不容開終朝有日得明白暗使着小乖明粧
着老呆捨着箇好的丟留着箇歹的在

使盡了百樣心討不的一句話越閒阻越情
洽空教就裏使奸猾拚了箇遣發誰伏你管
轄你那裏佯意兒捧我這裏指名兒罵

他自道開不的交我只說攏不的帳鼻凹裏
抹砂糖何曾得到口中嘗空嚷了一場暗着
了幾鎗省可裏到不的邊急流裏下不的槍

南玉包肚

春閨集唐詩結尾五首

笑他心性這些三時全無志誠輕狂如風裏楊

花飄零似水上浮萍水流花謝兩無情十二
樓中月自明

別來容貌對粧臺蛾眉懶描梨花院閒殺鞦韆
牡丹亭睡損鮫綃青山隱隱水迢迢腸斷
春風爲玉簫

歸期未準盼多情空勞夢魂闌刪盡月夕花
朝生疏了舞袖歌裙誰家池上又逢春不見
當年勸酒人

相思情債悶厭厭何曾下懷風兒颺吹透疏
櫺雨兒淋漓盡空堦何因吹送落花來幾度

呼童掃不開

冰肌瘦損也只因當初那人空將箇軟玉温
香翻騰做怨雨愁雲月明花落又黃昏爭奈
君思別處新

前調

秋閨集唐詩結尾五首

一天新爽想當日春風畫堂逡巡閒過了清
明省可望又早重陽桂花吹盡月中香此夜
嫦娥應斷腸

當時分首漸春歸看看到秋向斜陽鷗鷺洲
邊對西風楊柳樓頭思君不見下渝州人自

傷心水自流

佳人才子歎當年相逢已遲芙蓉冷狼籍秋
香海棠嬌想像風姿如今不似洛陽時露葉
如啼欲恨誰

機中織錦訴離愁山高水深綠窗幽忍負佳
期朱絃斷可惜知音更無消息到而今碧海
青天夜夜心

孤幃獨守冷清清寒燈半篝這些時夢繞巫
山終朝裏目斷秦樓暮天新雁起沙洲水綠
蘋香人自愁

北清江引 酬美人饋酥餅

香酥軟鋪綿細疊玉手搏冰雪輕勻臉上春
漸吐懷中月舌尖上試嘗着滋味別

前調 酬美人饋香茶

桂花餅兒勞寄我是你親調和酥含齒上香
軟沁舌尖唾夜深醒來猶半顆

前調 贈美人染指

鳳仙採來常自染不許傍人占金盃夜似膏
銀甲朝如茜白蓮瓣頭紅一點

前調 紗扇

輕絲挽紅紗細翦巧貼做合歡扇嬌籠菡萏
芽笑掩芙蓉面怎隄防有人先過眼

前調

繡囊

香羅紫囊親自解常則要收得在桃成並蒂
花繫向同心帶失落了有錢無處買

前調

玉梳

青絲蟬雲雲半缺掩映着初生月金鬆螺髻
偏玉小羊脂趙春纖嬾扶將墜也

前調

古鏡

菱花鏡兒清似水常則是空相對誰憐我別

離偏照人憔悴幾番爲他羞見你

南瓊南枝

風情集常言四首

浮皮兒好外面兒光頭髮梢兒裏使貫香多
大箇俵兒也來學衝象那些箇捏着疼爬着
癢頭上敲腳下響

堅如石冷似冰識不透你心腸兒橫豎生只
管里滿口胡柴倒把人拴轉定誰撇虛誰志
誠人的名樹的影

當不的取筭不的包過的橋來還折橋動不
動熱臉子鎗白冷鍋裏豆兒炮不是煎便是

炒瓜兒多子兒少

麵不是麵油不是油鳴彈裏還來尋骨頭瘦
殺的羔兒他是塊眞羊肉見面的情背地裏
口不聽升只聽斗

前調

風情集常言四首

閒言來嗑野話兒劉偷嘴的貓兒分外饒只
管里嚇鬼瞞神喫的明喫不的暗搭上了他
瞞定了俺七個頭八個膽

長三丈擴八尺說來的話兒葫蘆提每日家
帶醉祥醒沒氣的還尋氣假若你瞞了心昧

了已一尺天一尺地

心腸兒窄性氣兒粗聽的風來就是雨尙兀
自撥火挑燈一密里添鹽加醋前怕狼後怕
虎篩破的鑼搥破的鼓

撒甚麼唾賣甚麼垂三尺門兒難自開把我
那一擔恩情都漾做黃蘗菜說着不聽罵着
不采山不移性不改

南玉芙蓉

四時閨怨四首

春風歲歲來春病年年害惜花心牽惹愁懷
喬才負我心腸歹薄倖撩人情性乖人何在

把行踪漫猜這些時粉香消常是淚盈腮
長天暑未消長恨何時了玉肌柔倦倚冰綃
妝臺羞對花如貌舞袖空憐柳似腰人不到
把盟香暗燒這些時粉香消常是淚珠拋
新涼咽暮蟬新月羞團扇悔當初誓說星前
雕龍不瑣鴛鴦殿錦帕空遺翡翠鈿人不見
對黃花自憐這些時粉香消常是淚潏潏
殘燈照鳳幃殘夢驚鴛鴦被透紗窗幾陣寒威
天涯有路書難寄枕上無言恨自知人不至
枉行思坐思這些時粉香消常是淚如絲

南駐雲飛

麗情二一首

一幅羅巾提起依然有淚痕
欲寄心頭恨誰遞花閒
信君斷夢與勞魂
再托芳尊難解眞愁還
把金錢問十二巫山一片雲

一點殘燈倚遍西窗翡翠屏
銀漢連天淨玉漏催人定
卿何處更調箏月朗風清
深掩重門依舊成孤另
想像高唐夢未成

北一半兒

麗情二一首

飄零江上採蓮舟
冷落天涯燕子樓
老卻春風杜若洲
爲誰留一半兒
因花一半兒酒

三
幾年飄泊夢中思
兩字平安紙上題
人來猶未定
歸期間虛實
一半兒離愁
一半兒喜

蕭爽齋樂府卷下

散曲絕難佳者北詞載太平樂府雍熙樂府
詞林摘豔小令及長套多有妙絕可喜者而
南詞獨否勤之第載其名不及列曲詞隱南
曲韻選列止上次上一等所謂上上亦第取
平仄不訛及遵用周韻者而已原不曾較其
詞之工拙又只是無中揀有走馬看錦子細
者鍼貶不得中小令間有佳者而長套無一
中竅頃友人吳興關仲通同諸君過集齋頭
商榷其較余爲言小令如唐六如祝枝山輩
皆小有致而祝多漫語康對山王羨陂常樓

居焉海浮直是粗豪原非本色陳秋碧沈青
門梁少白李曰華金白嶼時有合作處然較
之元人則彼以工勝而此以趣合歎

王臨

德曲律

不作傳奇而作散曲者二十五人俱上品其
十一曰金鸞白嶼應天人評云金白嶼響振

江南

呂氏曲品

隴西金白嶼氏名鸞字在衡詳觀集中蓋以
布衣寓居金陵而久游吳楚淮陽之間者計
其時當在嘉靖間集內贈蔣南冷二贈胡可

泉四贈顧東橋一贈謝與槐一贈徐東園二
贈許平湫二贈馬西玄一贈程村溪一其往
復皆嘉靖間人也又聞尙健在年已逾老望
臺矣詩刻上下并續集共二卷姻友華少嶽
所貽大都詩多遠思別於常調

俞憲盛明百

家詩

金白嶼山人鸞嘗渡江同舟一人無渡錢且
有饑色金憐而爲代給且飲食之後數年往
眞州過驛門一人呼金乃前同舟者也以事
問徒銀鐙繫驛中金問所以其人泣而曰得

銀十二銖卽脫械矣金如數與之後二年金於湖廣江中遇盜登其舟已眩篋矣忽一人從後遽呼曰此非金先生也邪金應曰是也其人亟從舟躍而過執金手痛哭告其侶曰此吾大恩人何以劫之亟哀已囊得銀十二兩臘肉數十觔贈金金臨別語其人曰汝良家子也不宜久爲綠林玷今曷且休矣其人復垂涕而別嗟乎世有生平受人恩臨事而反面且下石焉者比比然也使此盜聞之其不以爲非人也與哉

客座贅語金白嶼條

金鑿字在衡有蕭爽齋樂府最是作家華亭
何良俊號爲知音常云每聽在衡誦小曲一
篇令人絕倒

金陵瑣事曲品

金山人鑿字在衡徐太傅園云楊柳晚風靜
芙蓉秋水香悼梁姬云江梅空索笑湘竹自
成斑靜海寺云長風吹老樹斜雨過疏籬次
通津驛云風輕雲氣薄月淨水光寒北河道
中云歸鳥亂啼原上樹夕陽多在水邊邨送
李谷陽云客中候曉霜如月馬上逢春草似
塵夢鶴云竊歸靈藥二山月吹落榆花一笛

秋岳少保墓云臨危叩馬書生口立主班師
宰相心憶江南云風簷聽竹心先碎雨檻移

花夢亦香

金陵瑣事佳句條

陳子野云林某與人相揖殊有軒輕他人腰
硬自家卻腰軟他人腰軟自家卻腰硬言其
揖有深淺曲盡小人之情狀矣又有張尙舉
聶滅秀楊吃寺三人金在衡皆作小曲嘲之
令人絕倒

金陵瑣事腰有硬軟條

金鑿字在衡號白嶼隴西人正隆間嘗游吳

楚寓金陵

郭元極皇明律範

金在衡與盛仲交期於南高翁家天寒日雪
久之方至主人問曰君方有事娶婦胡能來
此在衡大笑指酒盃曰事孰有大於此者乎
譚笑移日乃去

當嘉靖戊午己未間朱子价在南主客何元
朗在翰林金在衡陳九皋黃淳甫張幼于皆
僑寓金陵留都人士金子坤盛仲交之徒相
與選勝徵歌命觴染翰詞藻流傳蔚然盛事
六朝佳麗江左風流山川文彩互相映發亦
一時之勝也

東山談苑

鑿字在衡隴西人隨父宦僑居建康遂家焉
在秦時從天水胡世甫中丞學制舉業及來
建康年已長家中落乃弃去習歌詩詩不操
秦聲風流宛轉得江左清華之致性俊朗好
游任俠結交四方豪士往來淮揚兩浙所至
輒倒屣迎之洞解音律酒酣據几高吟長詠
中節可聽四坐忘罷卒時年九十有徒倚軒
集中何元朗曰南都自徐髯仙後惟金在衡
最爲知音善填詞嘲調小曲極妙每誦一篇
令人絕倒嘗取古詞辯其字句清濁爲一書

填詞者至今祖之

列朝詩集

金陵社夕詩序曰海宇承平陪京佳麗仕宦者誇爲仙都游談者指爲樂土弘正之間顧華玉王欽佩以文章竝墀陳大聲徐子仁以詞曲擅場才俊歛集風流弘長嘉靖中年朱子价何元朗爲寓公金在衡盛仲交爲地主皇甫子循黃淳父之流爲旅人相與授簡分題徵歌選勝秦淮一曲煙水競其風華桃葉諸姬梅柳滋其妍翠此金陵之始盛也萬曆初年陳學鄉芹解組石城卜居笛步置驛邀

賓復修青溪之社於是在衡仲交以舊老而蒞盟幼于百穀以勝流而至止軒車紛還唱和頻煩此金陵之再盛也其後二十餘年閩人曹學佺能始迺翔棘寺游宴冶城賓朋過從名勝延眺縉紳則臧晉叔陳德遠爲眉目布衣則吳非熊吳允兆柳陳父盛太古爲領袖臺城懷古爰爲憑弔之篇新亭送客亦有傷離之作筆墨橫飛篇帙騰湧此金陵之極盛也余錄元夕詩爲之引其端以誌盛衰之

感錢牧齋集

鑿字在衡隴西人僑居南京有徒倚軒集俞
汝成云山人詩多遠思別於長調

明詩綜

白門詩家有金琮元玉金丹赤侯金大車子
有金大輿子坤金銀竹溪均著詩集諸金之
中吾必以在衡爲巨擘焉其五七言近體風
情朗潤譬諸斛角靈犀近之游塵盡辟矣至
若明月照人千里其涼風吹面五更多尤爲

警策

靜士心居詩話

風雅之會金陵盛者二在衡執騷壇牛耳者
再謂之詩人耆宿不亦可乎

路鴻休明代帝

鑿嘗渡江同舟一人有饑色無渡錢代給飲食之後數年經某州見其人以繩繫驛訴曰得十二銖卽脫矣如數與之後至楚遇盜登其舟已倒篋有呼者曰此我大恩人金先生也奈何劫之亟還所掠

明詩人小傳

鑿字在衡一字白嶼家金陵有徙倚軒稿蕭爽閣詞

朱緒曾金陵詩徵

山人詩清圓瀏亮無當時叫囂之習詞曲亦是當家有蕭爽齋詞集惜少傳本

陳田明詩記事